

TNC 9676/3683

日本淺野梅堂長祚所藏宋元本書目題識一卷宣統元年七月得之日都淺野氏藏古槧至富玉在彼國宮內省見宋元舊槧多淺野氏所藏也則翁記

漱芳閣書畫記

宋元板之部

宋版史記廿五冊 長八寸濶五寸五分隻面界十行每行十八字

目錄史記序補史記序三皇本紀下有補史記三字及小司馬氏撰并

注七字分行夾注史記索隱序正義序論例謚法解其次五帝本紀

欠第二年表 欠自第一卷第八卷完全世家 欠自一卷列傳 欠自第八卷十二卷 第三卷六卷存 卷

目錄末有篆印建安黃氏刻梓六字記集解序尾有楷書建安黃

善夫刊于家塾之敬室十二字印記搨紙瑩白字體歐法而整麗

朗煥按張月霄愛日精廬藏書志所載宋板史記三部體制皆與

此書不合又按琳琅書目所謂明板史記仿宋刊排次略似此書意者



明板或沿此本而刊也卷首鳳陽陳氏世藏卷末倉岡堂又有吾邦妙覺寺常住日典及狩谷望之求古樓藏印按釋日典京洛妙覺寺始祖直江景綱方外友也天正二十年壬辰七月寂狩谷望之乃津輕屋敷齋者好古之名世遍知之

宋板晉書七十一卷

高八寸一分五厘橫四寸八分
雙面十行十九字

每卷首有唐太宗文皇帝御撰八字一行按琳琅書目宋板部無晉書明板部載翻宋本四部云前有太宗序此本宜可有而紀志一卷闕故失之每卷端有師禮氏印是室鳩巢字也又有集堂藏書及吟風弄月印似明人所刻

宋板高宗御書草書禮部韻

高八寸一分橫五寸雙面五行
每行大字草五字楷釋五字

標背面有高宗御書草書韻寶大字二行及與耕書堂字卷尾有兼議郎湖軍事陳汝跋并布衣臣丁景孟校正重刊小楷一行四庫撮要并阮氏未收書目等諸書並不收此書蓋佚於彼土已舊矣此本烏石山人所藏其題籤及標紙上處漫書者皆山人手筆也延亨年間邦人越克敏翻刻此本序中盛稱為宋刻鮮明者要之宋刻無論如其鮮明者過夸耳此本紙黯畧類元版而其序中云以元版比板且乎翻刻本末併刻其至元戊子中元建安布衣鄭寔跋識是則元板自有別本也据此本稱重刊既併元版三刻今皆散佚僅存此一本豈可不寶愛哉帙裏面有上山田寬者明和丁亥十月識語曰是書也宋高宗親自嚮書烏石先生得之秘藏而翻于

茲都蓋其元本也先生遂授之龜谷近者落乎我手矣實為余家
趙壁云龜谷者山人之弟子住赤阪鄉以臨池鳴于一時者也

宋板柳文

高八寸七分橫寸七分五厘雙面九行
每行十八字金澤文庫本

第十四卷迄十八卷半合為一冊第廿九卷半迄卅二卷半末存撰跋文
半段及外集一卷合為一冊全二冊末附韓愈柳子厚墓誌銘同祭柳
子厚文柳州羅池廟碑柳子厚傳

永州板柳文四庫提要及收藏家諸書並不載豈以其刊一方故流
傳者少耶卷端有金澤文庫印其末吾邦舊矣今僅存數卷吉
光片羽寔希世之寶也其字體顏法而瘦勁墓誌文中一葉異
字體或趙善慎等所補填者歟

宋槧唐文粹一百卷

高八寸橫五寸四分
十五行廿五字

第十六第十七卅一第四十四第五十五第八十一第八十八并分卷為上下
有市野光彥藏書印

張金吾藏書志載宋刊殘本三十四卷即此刊也此書靜廬市野光彥與狩
谷望之有收藏之名此本缺首七卷及末第百卷二卷第八十一卷半斷
西土貴宋本至斷簡零冊珍重如珙璧此書所闕厘數卷可謂全璧也

宋槧竹友集十卷

冊高八寸五厘橫五寸二分
雙面十行每行十八字

呂本中行書序文苗昌言題言

苗昌言跋後列右從事郎軍事
推官宋砥等五人名銜五行目錄古詩四卷律

詩三卷雜著二卷墓銘祭文一卷

狩谷望之跋此本云余初得傳此本觀之字輒刻粗頗不類宋槧以為
是明初覆刻耳今讀王朱二氏跋知萬曆之時已不傳于世唯內府存

之若有明初刻本不當如此絕少蓋宋刻亦有精粗不可一概論也

文化十一年季夏 振齋望之識

按四庫全書提要及張月霄愛日精廬藏書志所收又曹庭棟所選宋百家詩存收竹友集并從謝在杭鈔本其內府原本有淳熙二年十二月陽夏趙煜重修十三字而此本無重修字然則此本淳熙前所刻原稿而狩谷望之所謂字軟刻粗頗不類宋槧者談何容易此刻既美但紙質薄劣耳至如呂本中行書序筆勢飛動與真蹟無殊且板心有吳世摹刀四字决知非粗惡刻也此書初題謝幼槃文集張月霄藏書志又然而四庫撮要題曰竹友集今從之新見正路嘗令善謄者影抄總鈔二卷余繼鈔全書欲刻以藏家未果也

宋板古尊宿錄序二冊

重刊古尊宿錄序

行草書

咸淳丁卯佛生日阿育王山住持嗣祖大觀書

奉水章震刊

普願和尚語要

投子和尚語錄

睦州和尚語錄

慧照禪師語錄

真際禪師語錄

神照禪師語錄

神力禪師語錄

洞山初禪師語錄

智門祚禪師語錄

顯和尚語要

念和尚語錄

省禪師語錄

湮禪師語錄

嵩禪師語錄

慈照禪師鳳巖集

舉和尚語要

芝和尚語錄

悅禪師語錄

會和尚語錄

真禪師語要

雲門匡真禪師廣錄

上中下
三冊

雲門庵主頌古

瑯琊和尚中後四條同中後錄同拈古

白雲和尚語錄

黃梅東山語錄

真淨禪師語錄

住洞山語錄

報寧語錄

歸家語錄

任寶峰語錄

雲庵禪師偈頌

佛眼禪師語錄

吾邦所存佛典多宋元古版而知貴焉曾記董玄宰在彭城對王右軍半月帖宋板古尊宿以慰客窗靜閱可見彼土最希珍此等書此書鈴合雪巢及光倍藏印意是五山苾芻所鈴也悅禪師語錄跋黃山谷行書一道筆意較之今世所有法書最覺精彩奕奕可觀刻手不鈍矣余所藏宋元版多係新見侍中舊藏侍中獲之於狩谷掖齋近世宋元版之富無若掖齋而今散逸塵見此數部耳

影宋本漢隸字源十二冊 六卷

宋婁機字彥發所撰四庫大全云古字古音多存梗概皆足為考

證之資不但以點畫波磔為書家模範已也此編毛子晉汲古閣影宋精本首有慶元三年十二月朔且野處洪景盧序四庫大全不載豈逸之耶此書紙潔刻精雖法帖所不逮竄臨池家之珍笈也

金板魁本排字通併禮部韻註五卷

此本狩谷氏求古樓藏本卷首有清周亮工顏古堂藏印及第二卷末韓人源龍在田印記此書張金吾愛日廬藏書志著錄元大德本新刊韻畧五卷曰金玉文郁撰是書并上下平声各為十五上声二十九去声三十八声十七合一百六部此并舊韻二百六部為一百六部之始也所并之韻首一字以魚尾隔之如鐘韻之字不混入冬脂韻之字不混入支韻是也不至若後來之漫無區別也論謂并韻始劉涓子成書後文郁二十四年

書今不可見就韻會舉要所引考之蓋襲取文郁之書而稍有增損者也

元板四書章句圖纂釋 學庸

四書章句圖櫟括總要三卷大學句問章句圖纂釋一卷中庸章句章圖一卷

新安林隱程復心子見經進

大德壬寅中伏新安程復心序

四書總要上卷末及大學句問章句圖纂釋末有至元歲次丁丑菊節德

新堂印本記卷首有安堀氏時習館藏印記堀氏名正意字敬夫惺

先生門人中庸卷末有殊筆

按傳注有重意重言本有纂圖互注本未聞有章圖纂釋四庫總

目以下絕無著此目者知彼土俟亡已久矣其所謂章圖者如三綱
八目所先之圖明明德之證之圖每章圖之所謂纂釋者朱注
之分列諸家之說以自己之意把抓摘抉以作纂釋其隲括總要
叙並圖本始河太極^圖心性仁義皆有圖說以裕廟庠序井田等圖
系詳密可謂勤矣近藤正齋舉吾邦所存宋板重言重意纂圖
互注本數種至老莊列荀亦有纂圖互注本而獨不舉此書則吾邦
所傳蓋僅有此一本正齋偶未之見耳嗚呼亦足以為球

元板廣韻五冊

首在陳州司法孫搢唐韻序序尾有余氏勤德書堂鼎新刊行本記
每卷末有草書雲洞常住花押按四庫全書小學類韻書之部首載廣

韻五卷云不著撰人名氏考世行廣韻凡二本一為宋陳彭年邱雍等
所重修一為此本前有孫搢唐韻序注文比重修本頗簡邵長蘅古
今韻略指為宋槧未必然而韻會舉要已引此本則當為元刻矣非
明中消所刪也據此文為元板無疑而有余氏勤德堂記且字體
酷似宋板邵長蘅為宋槧非無理也按琳琅書目元板邵載李太
白詩集曰有建安余氏勤有堂刊本記板心書至大辛亥三月刊
其時勤有堂之名尚存建余氏子孫皆世守其業者也然則勤德
堂又從宋入元者也

元版五音集韻十五卷

五音類聚四声編十五卷

金韓道昭著字伯暉滹陽松水人也集韻成于金崇慶元年壬申首載昭兄韓道昇序後有己丑重刊序而不記年號并撰者名唯云歲次己丑長至日重刊其第三第四二葉佚脫第五葉末有天寶十載辛卯序疑據唐韻序揭于此者此間有真定府松水昌黎郡韓孝彥次男韓道昭改併編男韓德恩姪韓德惠婿王德珪同詳定琴臺張仁開版等題名目錄後有入冊檢韻術圖及校正人氏二十名題署皆係道昭門人第十五卷末尾附記六書八體之目又題道昭弟男門人名字第五第七第九第十第十一第十二卷冠以至元大元大朝己丑之字而第十三第十四猶存大安新彫字據之此書原刻金大安中而迨元至元二十六

年己丑重刊者也如四声編者金泰和中所刊有八年戊辰道昇序其末記曰兄曰道昭弟曰道昉男曰德恩姪曰德惠同詳定趙州荆璞同編單州張用男曰張仁重開板印行及目錄後附重編併部依卅六母韻再顯之圖金寶慶補背篇列部之字一篇己丑重編雜部一篇此書亦至元中重刊者第五第八第九第十四卷首有至元及己丑字詢為元初鈔本其字畫整勻太近宋榻而所欠紙質較麤黝耳天保甲辰秋得諸干求古樓舊藏中按天錄琳琅書目明板經部收此二書及重刊改併五音集韻十五卷日目錄前標題稱至元庚寅重刊目錄後標題又云成化庚寅重刊頗疑目錄所記年月前後何以懸殊則所標至元或

沼元時刊本之舊也據此等語似未見元槧足本者其所言亦
往々與此書不合然則彼所傳既經明人挽亂增刪而非道昭之
舊明矣此書幸傳皇國竟落余手豈可不珍儲葆愛哉
且外標題籤為韓人之書年曆之久又慮其糜蠹之難存也
特為裱而裝之以壽於世也

元板增修互注禮部韻略五卷

此本狩谷卿雲藏卷一後本記兩行曰至正乙未妃僊餘慶書新
刊卷首大字夾行毛氏增修禮部韻註中條有謹依古杭官
本六字其額旁行題陳氏餘慶堂按張金吾愛日精廬藏
書志著錄此書曰卷一後有至正辛丑妃僊興慶書堂新刊

本記至正乙未為其十五年辛丑為廿一年張所見蓋係再刊
本但餘慶堂作興慶堂豈陳氏外別有一人堂號一字者邪或
餘訛作興邪今不可考又此首載毛晃上表闕末一葉據藏書
志則紹興卅二年表夫張身在西土而於此刻珍重乃尔况海洋
万里古刻存于今日者月匱日微幾成斷種夏后之璜闕鞏
之甲不比其珍貴也

元板楚辭集注六冊

高九寸橫五寸二分
雙面十一行廿字

朱子集註八卷

後語六卷

辨證上下二卷

卷首有寶勝院及口璘又口字月印玉峯等印標以塗丹紙明

永亨間往以此紙裝書此其遺也

元版柳文

增廣註釋音辨唐柳先集四十三卷別集二卷外集二卷
附錄一卷首有吳郡陸之淵音義序張月霄愛日精廬藏
書志收此刊本未有毛友仁手跋云万曆丙子得於荆溪考其
刊刻年月元延祐間所刊

元板趙子昂詩集七卷

高七寸四分濶四寸五分五厘
十一行廿字

宜黃後學譚潤伯玉篇集無序有目錄末有陰文至元辛巳清
和建安虞氏務本堂編刊本記卷首有墨峰記室寮公用義俊
置焉十一字及義俊朱印歐陽閣圖書記朱印又一印字剜缺

不可辨卷末有朱筆點引清軒西端北窗八字按四庫提要
載松雪齋集十卷外集一卷曰揚載作孟頫行狀稱所著有松
雪齋詩集不詳卷數明万曆間江元禧所編松雪齋集寥寥數
篇實非足本此本冠以載表元序外集雜文十九首亦他本
所未載末題大德戊戌歲孟頫自汾州知州謁告歸里時哀
集所作請表元序之者云云錢遵王讀書敏求記曰至元後已
卯沈潢校正松雪齋集十二卷何禎立輯外集刊行于世而此
本則成于至元辛巳相距僅三年耳可觀當時崇重其人互刻
其集元季大亂後佚亡至明傳布其稀收藏家者著錄絕不
及此本也嗟呼亦可為罕覩之笈也

元板楊仲弘集八卷

新見正路藏本首卷端小楷書楊載畧傳者正路自筆也
首有致和元年六月一日臨江范梓序本文字體帶行以卷尾
自跋考之或仲弘所自書錢遵讀書敏求記收元刊影抄本
楊仲弘詩集八卷正從此本鈔得者然四庫提要云焦竑國史
經籍志載楊仲宏集四卷此本八卷不知何人所分當時紀曉
嵐輩未見元板本自為八卷故此言蓋弱侯所謂四卷合此八
卷以為四卷耳

元板國朝文類七十卷

雙面十三行廿四字

張金吾藏書志所載全與此本同而此本脫王理陳旅序及至正

二年二月敕旨文一道卷端有誰菴白文印覆之以宗松之二字
朱文印

大內本正文五經十三冊

高一尺五分橫七寸五
雙面八行十五行

易一冊 詩二冊 書二冊

春秋二冊 禮六冊

昔時大內義隆為好典藉擇邦產佳楮遠托明商海舶求印
刷經史其書至今稀存類搨刻鮮明世以為奇珍如此五經其
最也其冊巨麗其字奪其紙堅厚其刻精整洵足寶也不
知此板猶存彼土否

